



UNIVERSITÄTS-
BIBLIOTHEK
PADERBORN

Universitätsbibliothek Paderborn

Detectio Nvgarvm Lvtheri, Cvm Declaratione Veritatis Catholicae, Et Confvtatione Dogmatvm Lvtheranorvm

Bundere, Jan van den

Louanij, 1551

De Purgatorio quàm variè sentiat Lutherus. cap. viij.

urn:nbn:de:hbz:466:1-35621

DE PURGATORIO

Ordo .

Math. 26.

Luc. 22.

1. Cor. 11.

Iac. 5.

ma verbo

Et erunt duo in carne vna, Sacramentum hoc magnum est, ego dico in Christo & ecclesia. Ordinem sacramentorū neget, qui Iudæorum sacerdotium inficiatur. Aaron sacerdos inunctus est & filij eius, Christus autem sacerdotes instituit Apostolos in cœna, dum accepto pane gratias egit, & fregit, & dedit illis dicens. Accipite, hoc est corpus meū quod pro vobis tradetur. Hoc facite in meā cōmorationem & cæ. de extrema vñtionis Sacramento sic ait Iacobus Apostolus. Infirmatur quis in vobis, inducat presbyteros ecclesiæ, & orent super eū vngentes eum oleo in nomine Domini. Et oratio fidei saluabit infirmum, etsi in peccatis sit, remittentur ei.

Hic æquus lector attendat quàm plenè ac commodè de septem Sacramentis à sacris literis non recedētes differant catholici. Tu verò Luthere indica vbi duo vel tria duntaxat Sacramenta legeris, & non plura posse inueniri .

*De Purgatorio quàm variè sentiat & sibiip̄s
contradicat Lutherus. CAP. VIII.*

PHILOMATHES. Quid putas sentire Lutherum de purgatorio?
ORTHODOXVS Vt de cæteris fidei nostræ dogmatibus solet, variè, immo cōtradictoriè

CONTRADICTI. LUTHE. 17

dictoriè. Nempe vt ei suus spiritus quouis hi-
dro mutabilior suggessit. Nam inter dispu-
tandum cum domino Iohanne Eckio Lipsie
in arce Ducis Saxonie Georgij, vt auditori-
bus fidem faceret nihil sese cum Bohæmis &
Pighardis sentire, veracissimum & clarissi-
mum de purgatorio dedit testimonium. Ego
inquit credo firmiter, imò ausim dicere, scio
purgatorium esse, Facile persuadeor in scri-
pturis de eo fieri mentionē, quemadmodum
illud Matthæi inducit Gregorius in dialogis. *Matth. 126*
Non remittitur peccatum neq; in hoc seculo,
nec in futuro, volens peccata quedam remit-
ti in purgatorio, Admitto & illud Machabæ
orum secundo. Sancta & salubris est cogi- *2. Mach. 122*
tatio pro defunctis exorare vt à peccatis sol-
uantur.

Item aliquando in Pighardos atrociter sic
inuectus est. Si etiam tempore apostolorum
non fuisset purgatorium, vt superbit fastidio-
sus Pighardus. Nunquid ideo credendum est
hæretico vix quinquaginta annos nuper na-
to, & fidem tot seculorum falsam fuisse con-
tendendum? Maximè cùm ipse nihil faciat
aliud quàm quod dicit. Non credo. Et sic
probat omnia sua, & improbat omnia no-
stra. Non pigeat attendere quàm catholicè
hic de purgatorio sentiat Lutherus, & quatum
D tribuat

DE PURGATORIO

tribuat fidei ecclesiæ, etiam si foret scripturis non roborata. Et quomodo reprehendit illū hæreticum, quia tota sua probatio & improbatio est, Non credo. Eodem gladio etiam teipsum iugulas Luthere.

Deinde Lutherus factus Romani Pontificis publicus hostis, putans se inuenisse iaculum quo eum confoderet, immemor priorum suorum verborum, scripsit in libro theutonico de angulari missa. Deus est mirabilis indulgentias aboleuit, Purgatorium ignem extinxit, peregrinationes suppressit. Multosque alios Dei mammonæ cultus atque idololatrias papistarum prostravit. Præterea in libro quem inscripsit, Admonitionem ad Ecclesiasticos Augustæ, inter cætera sic dicit. Quid aliud est dicere, Oportet te pro peccatis tuis satisfacere, quã istud, Oportet te Christum negare, Euāgelium blasphemare, Deum mendacij arguere, & cæ. Ex hac abominatione omnes alię venerunt, missarum sacrificia, purgatorium, peregrinationes, indulgentiæ, ieiunia, cultus sanctorum, & vigiliæ. Et alibi sic loquitur. Scriptura diuina tota profus nihil habet de purgatorio, Aliquando verò tenuit quod animæ in purgatorio nõ sint certę de sua beatitudine. Et iterum animę in purgatorio peccant sine intermissiõe, quãdiu horrent

horrent pœnas & quærunt requiem, Quia quærunt quæ sua sunt, plus quàm voluntatem Dei. Vide quàm sit sibi hic euangelista cõtrarius. Vide quàm non meminerit quæ dixerit vel scripserit. Modo astringit, modo negat purgatorium, modo varia de eo loquitur, vt facile intelligat diligens lector, ne micam quidem habere sanæ mentis, eos qui omnia Lutheri dicta velut certissima Dei oracula colant & adorent.

De satisfactione quàm secum pugnet Lutherus. CAP. IX.

PHILOMATHES Esto, in aliquibus hallucinatus fuerit Lutherus de satisfactione, scribens in septemcipite circa quintum articulum ab ecclesia catholica non recedit, sic inquit ecclesia mater pio affectu præuentura manum Dei, castigat filios suos satisfactionibus quibusdam, ne incurrant flagella Dei. Sicut Niniuitæ operibus suis spontaneis præuenerunt iudicium Dei.

ORTHODOXVS Catholicè quidè hoc scripsit fateor, quãdo putabat hoc militare cõtra indulgentias, dum verò Ecclesiasticũ eradicare adniteretur statum cõsuetudinis monasteria, collegia, missarum sacrificia, vigilias, peregrina-

D ij nationes